

mini ædificandam, regiamque Domum, tum & Domum saltus Libani. In ipso Libano sunt Jordanis fontes, aliorumque quam plurimorum fluminum; est & saltus prope Cæsaream Philippi.

Libya in Ezech. 30. v. 5. Æthiopia, & Libya, & Lydi, &c. quæ omnia, ut partes Africæ, & quæ Ægypto contiguæ sint, enarrat Propheta. Hic Libyam eam intelligo, quæ plurimam tenet à majori Syrti ad Ægyptum partem.

Libya circa Cyrenem, Act. Ap. 2. v. 10. Libyæ alterius pars, ubi Cyrene; unde regio Cyrenaica ea dicitur Ptolomæo, & alijs. V. Cyrene.

Lidda. V. Lydda.

Lingua Maris, & Lingua Maris Salsissimi, Josue 15. v. 2. ubi de limite orientali Tribus Judæ: Initium ejus à summitate Maris Salsissimi, & à Lingua (à littore) ejus, quæ respicit Meridiem. Iterumque, v. 5. ab Oriente vero erit initium Mare Salsissimum, usque ad extrema Jordanis, & ea quæ respiciunt ad Aquilonem, à Lingua Maris usque ad eundem fluvium. cap. 18. Ubi de limite Tribus Benjamin: v. 19. suntque exitus ejus contra linguam Maris Salsissimi ab Aquilone, in fine Jordanis, ad australem plagam.

Lod. 1. Paral. 8. v. 12. Samad filius Elphaad ædificavit Ono, & Lod.

Lodabar urbs, sive locus, aut prædium, in quo morabatur Miphiboseth filius Jonathæ in domo Machir filii Ammiel, cum David eum ad se evocavit, & ipsi restituit agros Saül, & de mensa sua panem dedit, 2. Reg. 9. Locus vocatur Labatham Josepho 7. Antiq. c. 6. Legunt alii Lodabar.

Lodhadid. 1. Esdr. 2. v. 33. Filii Lodhadid, & Ono septingenti viginti quinque. In Catalogo eorum, qui è captivitate Babylonica reversi sunt in Jerusalem. 2. Esdr. 7. v. 37. In recensione eorum, qui primi ascenderunt Jerusalem. Filii Lodhadid, & Ono septingenti viginti unus.

Loth Spelunca. V. Spelunca Loth.

Lud filiorum Sem quartus, cui & cujus posteris omnem Asiam Minorem, in qua Lydia, aliæque Regionem sunt, concedimus. Vide Sem.

Ludim. Genes. 10. v. 13. Mesraim genuit Ludim, &c. ejus posteros locat Bochartus in Æthiopia supra Ægyptum: & ubi Nilus maximè flexuosus & sinuosus est, nomine Ludim flexum significante, aut ad fluviorum flexus alludente.

Luith, Ascensus Luith est, Isa. 15. v. 5. & Jerem. 48. v. 5. & ubique penes Oronaim in Tribu Ruben.

Luza nulla est in Ephraim, ut aliqui putaverunt, si qua Luza alia est à Bethel, quæ olim Luza vocabatur, ea extra Judææ terminos erit, fortèque in Macedonia.

Lycaonia Asiæ Minoris Regio mediterranea inter Cappadociam, Galatiam, Pisidiam, & Ciliciam, Act. Apost. 14. v. 6. ab Iconio venit Paulus in civitates Lycaoniæ Lystram, & Derben.

Lycia Asiæ Minoris Regio maritima, cujus mentio Act. Ap. 15. v. 23. Inter Regionem, ad quas Romani litteras in Judæorum gratiam dedere.

Lydda sive Lidda in Tribu Ephraim. Demetrius Rex tres civitates ex Samaria excerptas Judæis concessit. . . . Lyddam & Ramatha, una ex tribus hic desideratur, 1. Mach. 11. v. 34. V. Apherima. Lyddæ Petrus Ænæam ab annis octo Paralyticum sanavit, & viderunt eum omnes, qui habitabant Lyddæ & Saronæ, & conversi sunt ad Dominum, Act. 9. v. 32. & seq. & v. 38. & seq. Cumque prope esset Lydda ad Joppen Petrus ad Tabitham mortuam invisendam, & sanandam evocatur. Lydda Joseph. 2. Antiq. c. 3. & sæpe alibi.

Lydia. Isa. 66. v. 19. Africa & Lydia conjunguntur, ut & Jerem. 46. v. 9.

Latit. Gr. Scr.	Longit. Gr. Scr.
29. 0.	56. 0.
29. 0.	50. 0.
32. 6.	66. 10.
30. 54.	66. 37.
31. 42.	67. 13.
32. 17.	67. 54.
31. 37.	67. 12.
40. 0.	65. 0.
20. 0.	62. 30.
31. 35.	67. 32. $\frac{1}{2}$
39. 0.	64. 0.
38. 0.	61. 0.
32. 6.	66. 10.
39. 30.	58. 30.